

15.10.85 GR

En memoria da

## Tina Hendry, Aarau/Sedrun



Sco representanta dallas spindreras dil cantun Argovia pren jeu comiau da nossa cara sora Tina, (numnada leugiu sora Käthy), da nossa mumma dallas spindreras. Ei va aschi vess da far quei, oravontut sch'ei tucca dad enzugliar en plaids.

Sora Tina ei naschida ils 19 da december 1906 a Sedrun sco 3. affon dalla famiglia Hendry. Deplorablamein ei sia mumma morta tier sia naschientscha. Augs ed ondas eisi stau ch'han giu quitau dalla Tina. Suenter ch'ella ha giu frequentau las scolas e stada en diversas plazzas egl jester, ei Tina se-decidida da daventat tgirunza da mala-sauns. E sco tala eis ella sescolada tier las soras da s. Onna a Lucerna. Suenter ch'ella veva gest fatg il diplom ha ella survegniu siu emprem post ad Aarau. Leu eis ella vegnida en contact cun bia familias, aschia era cun la famiglia Baur. 40 onns eis ella stada leu da casa. Ins ha surviu ed ei segidaus viceversa.

1939 ha sora Tina fatg ad Aarau la patenta da spindrera suenter ch'ella veva prakticau duront zacons onns la professiun da tgirunza. 1940 daventa ella commembra dall'Unun svizra da spindreras. A quella ha ella appartenui 45 onns. Ins sa maina miserar tgei ch'ella ha tut prestau per l'unun ella

secziun dall'Argovia. 37 onns eis ella s'engaschada entiramein persuenter. Gia dus onns suenter sia entrada eis ella vegnida elegida actuara. Numerus protocols e rapports, signai plein slontsch da siu maun, ein perdetgas restontas da quei temps. 1951 surpren ella igl uffeci da vicepresidenta e da 1955–1973 eis ella stada – duront buca meins che 18 onns – nossa zun stima da parsura e suenter aunc duront 6 onns vicepresidenta.

Sora Tina ha propi battiu il bien combat. Nuot fuva da memia, sch'ei mava pil beinstar da nossas spindreras. Anoviars ha ella mussau beinenqualga ina dira crusta. Denton egl intern sezuppava in bien e buntadeivel cor. En stagl da tuttas sias collegas lessel jeu engraziar a nossa cara Tina per sia fideivladad e per tut sias stentas pil bien da nossa uniun. Numerusas mummas – era jeu s'audel denter quellas – ha ella susteniu. Quei savein nus mai emblidar e restein engrazie-vas adina persuenter.

En siu vitg natal, a Sedrun, veva sora Tina cumprau la casa nua ch'ella ha passentau affonza e giuventetgna e rugalau o quella plein carezia. 1980 ein las spindreras dall'Argovia vegnidas envidadas en dad ella a Sedrun. Leu essan nus vegnidas pupergnadas cun in ver gentar alla grischuna. Mai vegn jeu ad emblidar ils egls tar-lischonts duront ch'ella ha guidau nus cun luschezia tras siu reginavel. Ella ei vegnida tuccada grevamein cu tut quei ei vegniu devastau duront ina notg tras in incendi. Ella ha stuiu fugir ed ha saviu spindrar – cun in afon en vacanzas – mo aunc la veta.

Siu davos ruaus ha ella cattau en tut-tina benedida a Sedrun. Ch'ella ruaussi leu en pasch! Ils plaids che sora Tina ha aschuntau agl emprem rapport annual 1942, caraterischeschan bein ed entiramein sia veta. E quels less jeu dar cun vus: «Lein luvrar ruasseivalmein vinavon, en honur e cuscientas da nossa responsabladad. La megliera arma ei e resta il plascher da segidar.

Rita Roth